

容貌結髻於右鬢上，至今風俗不異，中改流求二字，字從玉，而爲琉球矣。黃耆之言未，知是否，曾長之祖，不知阿誰，昔朝於大明皇帝，皇帝賜之衣冠，且錫爵位，爾來世稱中山王，王稱亦至今不絕矣。數十世之先，爲我薩隅日三州太守島津氏附庸之國，歲輸貢獻於我州，比來不隨我號令者有年於茲矣。是歲戊申，有太守家久公之命，遣二使於彼國，國素有三司官國之公卿，世守其職，時有一聚歛臣名邪那者，補一官闕，以汚公卿之衣冠，邪那見我二使之來也，以色可否，以頤指揮，二使亦不知所云，空手而歸矣。於是不得已而使數千兵行以討之，嗚呼琉球日薄西山，運其極矣，何其不念苞桑之戒乎哉。予桑門之徒也，雖不與國家存亡之事，見此兵戈之將出，而恐彼敗禍之在衽席之間也，不顧才之拙與語之俚，漫賦俳諧體十章，首章先述天與人歸之義，兼祝大洋波平，而兵船之安如泰山之安矣。次章仰諸將威武動搖乾坤，其次三章述欲富我國舉一邪那好行小惠降我義兵之不早也，且欲我諸將亦整其部伍，有其戒心也。其次二章訪知己之在彼國者，且復我先師之徒，有景叔春盧之二翁，昔帶先師典籍若干部，寄跡於彼國終焉，此時恐典籍之若失，却兵火而賦之，其次誹巫覡謂神祇之托言於我，惑世誣民，爲身謀者矣。末二章彼國風俗，愚而多詐，不乞降於我，後必患有不得致忠孝於我君父，且復兄弟妻子離散，赴遐遠之邦，而言之，書以呈之於伊勢氏兵部員外郎，以供一笑云。

琉球小島一彈丸，天與人歸討不難，四海波平天水渡，諸軍大艦泰山安，欲伐鬼方揚白旛，諸軍威武動乾坤，樺山右將平田左，添得伊川伴衛門，一燈將滅琉球運，爲舉邪那紀綱紊，諺語未知實耶，虛那霸本是河邊郡，那霸琉球國也，琉球祇合覓和談，心苦君民更不甘，想是邪那瘦城主，一身逃死定

降參，我國武威誰敢侵，幾多健將智謀深，報言蜂蠆有其毒，須學貓兒藏爪心，報恩主席我知音，句欲聯珠且暮吟，緬想西來一庵主，無心雲亦駭其心，典墳誓莫作秦坑，字字元如金滿贏，景叔春盧昔遊日，先師書籍帶之行，奇術誑人巫女流，巧言令色爲身謀，蝼蚍若識義兵至，端的尋聲自縮頭，愚而偏詐世無雙，未敢翻心築受降，又似螳螂恃長臂，人言小黠大癡邦，自古球陽屬薩陽，不